


PUOGAE YA MOPHATO 1

Letsatsi la metshameko la diphologolo



SETSWANA

Maemo:

1

Buka

4



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele barutwana ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Letsatsi la metshameko la diphologolo





Gompieno
ke letsatsi la
metshameko la
diphologolo.






Ke kgona go tlola.
Ke kgona go tlolela
kwa godimo thata.
A wena o ka kgona?







Ke kgona go taboga.
Ke kgona go taboga
ka bonakonako.
A wena o ka kgona?





Ke kgona go raga.
Ke kgona go raga
thatathata.
A wena o ka kgona?






Ke kgona go latlhela.
Ke kgona go latlhela
kwa godimo thata.
A wena o ka kgona?





Ke kgona go kapa.
Ke kgona go kapa sentle
thata. A wena o ka kgona?






Ke kgona go thuma.
Ke kgona go thuma ka
bonakonako. A wena o ka kgona?





Ke kgona go otla
kgwele. Ke kgona
go otla kgwele
thatathata.

A wena o ka kgona?






Re kgon a go fanya.
Re bafenyi.
Rotlhe re bafenyi.

Re fanya
mmogo.





Poko ya gago

Kubu e nnye e ne ya ya go tshameka

Kubu e nnye e ne ya ya go tshameka,
e ne ya itshela ka metsi mo mokwatleng
letsatsi lengwe le le mogote.

"Ke latlhegile", ya bua. "Ke esi fela".

"O ka re nka gakologelwa tsela
ya go boela kwa gae".

Tshoswane /e tlou

Kwa Kwazulu-Natala kwa dipanana di
tlhogang teng, tshoswane e ne ya ema mo
godimo ga monwana wa tlou.

Tlou e ne ya bua e keleketla dikeledi ya re,

"Ke eng o sa itlhophela mongwe yo o
lekanang le wena?"




Diphologolo tse di tlhaga

Diphologolo tse di tlhaga di tshela di gololosegile mo nageng.

Re kgon a go bona diphologolo tse dintsi tse di tlhaga mo dirapeng tsa diphologolo.

Mo Aforika, setlhano se segolo sa diphologolo ke tau, tlou, nare, tshukudu le lengau.




Ditirwana tsa puiso ya ditlhophha



1

Bolelela tsala ya gago gore o bona eng mo setshwantshong se sengwe le se sengwe. Jaanong bolelela tsala ya gago gore ke setshwantsho sefe se se tshwanetseng go nna sa ntlha, sa bobedi, sa boraro le sa bofelo. Tlotlela tsala ya gago kgang ka mafoko a gago. Dirisa ditshwantsho tse di fa tlase.



2

Buisa dipotso mme o di arabe le tsala ya gago.

- Naya setlhogo sa kgang e.
- Go buiwa ka diphologolo dife mo kgannyeng e?
- Diphologolo di tshameka metshameko efe e e farologaneng?
- A o akanya gore kgang e ke ya nnate?
- Polelo e "A wena o ka kgoná?" e tlhagelela gakae mo kgannyeng?
- O rata motshameko ofe? Goreng o o rata?



3

Dirisa mafoko le ditshwantsho go go thusa go tlatsa
lefoko le le nepagetseng go feleletsa dipolelo.
Kwala dipolelo mo bukeng ya gago ya dithutiso.

thutlwa

tlou

lengau

kgabo



"Ke kgoná go kapa", ga bua

_____.



"Ke kgoná go latlhela", ga bua

_____.



"Ke kgoná go tlola", ga bua

_____.



"Ke kgoná go taboga", ga bua

_____.



4

Kwala mafoko a a mo kholomong ya ntlha. Jaanong kwala mafoko a a rumisanang le lengwe le lengwe la ona.

taboga	leboga	oboga	lebega	robega
kgakala	makala	makola	gakala	gopola
kgoná	gona	kola	kona	gola
bona	tsona	tsena	tena	gona



5

Direla nngwe ya diphologolo karata. Dirisa sebolego kana foreimi e e fa tlase go dira karata ya gago.

taboga	thuma	buisa	opela
raga	bina	latlhela	thala

Dumela _____

Thala setshwantsho.

Ke a bona o kgoná go

_____ sentle.

O na le bokgoni!

Ke kgoná go _____

sentle.

Go tswa go _____

PUOGAE YA MOPHATO 1



Buka 4

<i>Leina kana setlhogo:</i>	Letsatsi la metshameko la diphologolo
<i>Puo:</i>	Setswana
<i>Maemo:</i>	Padiso ya Puogae ya Mophato 1 Maemo 1 Buka 4
<i>Mofuta wa sekwalwa:</i>	Kanelo
<i>Mafoko a tlwaelo:</i>	gompieno, kcona, thata, sentle, rotlhe, bonako, mmogo, kgakala
<i>Tlotlofoko:</i>	kapa, bafenyi, diphologolo, metshameko, latlhela, raga, thuma, tlola, kgwele
<i>Medumopuo:</i>	ny, tl, tlh, th, kgw, tsh, ph
<i>Diteng, marel le bokgoni:</i>	<ul style="list-style-type: none">• Tlhalosa ditshwantsho di le 4 le go di tlhomaganya ka tatelano e e nepagetseng.• Tlotla kgang gape o dirisa ditshwantsho.• Buisa le go araba dipotso tsa tekalhloganyo.• Kwala dipolelo o dirisa sebopego kana foreimi le ditshwantsho.• Kwala le go sedimosa karata o dirisa foreimi.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhalogarya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng tsa bona. Dibuka tse di akaretse ditirwana di le mmalwa tsa 'puisano ka ga buka', tekathhaloganyo le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelang tsa bona.

ISBN 978-1-4315-2662-8



ISBN 978-1-4315-2662-8



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 1:



Segwagwa se ya kwa sekolong

Ke kgona go buisa

Re ya kwa sekolong rotlhe

Letsatsi la metshameko la
diphologolo



Re rata kgwele ya dinao

Diaparo

Ben o iponela tsala e ntšhwa

Llori ya Matipatipane



Sethole se sennye se sehividu

Amo o ya kwa ngakeng

Toro ya ga Dudu